

IMG\_4393

Wy burgermeesteren, schepenen ende raedt der stadt Doesborch doen kondt ende tuygen vermets desen dat voer ons erschienen is Henrick Boem ende hadde *nae gichte des geswaren* um een kontschap der waerheit doen besetten Ulricum Bloylant, procureur postulerende tot Arnhem, omme syne rechte konde ende weetenschap te seggen op desse naevolgende vraegarticulen ende die nae mett eede te bestedigen ut juris.

Eerstlick deponent aff te vragen synen olderdom ende gehoechnis van jaeren.

Ten anderen off getuige ungefehr niet in februarie deses jaers 1614 ten versoecke van getuichfurer Sich verfuengt hebbe ten huuse van Philips Croyt bynnen Arnhem alwaer ter herbergen gelegen Wolter Menninck.

Ten derden off nyet waer dat hie getuige buyten versoeck vanden getuichfurer Wolter Menninck hebbe gefracht off hy geene goede kennisse droech aever die guederen in Hengeloe op't Goy gelegen.

Ten vierden off nyet waer dat Wolter Menninck daer op geantwoert 'jae'. Und oft nyet getuige Wolter Menninck dede fraegen oft hie al mede niet dyentlick kenden het guet Besselinck und wie daer van eertydts eigenar gewesen.

Ten vyfften oft nyet waer dat Menninck daer op geantwoert, als dat in voertyden voer den [IMG\_4394] trubbel jaeren het selve guet eigendoemlick toegehoert Rickman Besselinck und Tege syne huysfrou. Und dat die eheluyden staende ehe geprocreert eenen soen genannt Herbert Besselinck soe t'Hengeloe opten Poell woenachtich gewesen, daer by seggende als dat hy Menninck met Herbert Besselinck und Tege syne huysfrouw goede kennis gehadt ende dat hy Menninck diverse reisen in Herberts huis gewessen als hebbende met hem getuige geheten und gedroncken. Und dat Herbert gehadt eene suster genampt Annen Besselincks, soe beide van Rickman Besselinck und Tege syn huysfrou gebaren und volle brueder ende suster gewesen.

Sachte getuige hier van syne rechte konde ende weetenschap nyet des quame getuichfurer in schaeden denwelcken hy van hem nyet lyden wilde om die summe van hondert golt gulden sampt den schade met recht, gesinnende dit allet met eedes bestedigungen een rechtmetich antwoert.

Aenfanelick sachte getuige sich den benoemden peenpenningen sampt den schade met recht ontschuldich.

Tuicht op den 1<sup>e</sup> poinct dat hy tussen 41 & 42 jaren olt is.

Den anderen in effect waer.

Op den III<sup>e</sup> ende IIII<sup>e</sup> tuicht dat hy, ten versoecken vanden produciant, Menninck hebbe affgefraget [IMG\_4395] off hy geen kennis hadde van't goet Besselinck op't Goy, waer op hy Menninck geantwoert 'jae, dat hy daer van goede kennis hadde'.

Op den V<sup>e</sup> tuicht dat Menninck wel gesacht hebbe dat Rickman Besselinck en syne huysfrou op het goet Besselinck hebben gewoent maer aeverst oft henluyden dat eygentlick toestendich was, daer van woste hy nyet, dan dat Rickman ende Tege syne huysfrou kinderen t'samen hebben gehadt dat woste hy wel, maer woe foel kinderen ende woe die genant waren dat waer hem onbekendt.

**ECAL Toegangsnummer 3021: Oud Rechterlijk Archief Landdrostambt Zutphen  
Inventarisnummer 228: "H. Besselinck c.s. tegen H. Boem" 1614**

Dat dit alles alsoe wie voerhaelt geschiet ende waerachtich is sulx heefft deposant vornoemt nae advisatie des meinedts met synen lyffelicken eedt solemlicken bevesticht.

Unde wan dan dit alsoe voer ons gerichtelick is geschiet, ende wy die waerheit gerne getuichnis geven, sonderlings des versocht synde, soe hebben wy toe oerkonde onser stadts segel op't spatium deses doen drucken in Doesborch den ..III<sup>e</sup> may 1614.

Ter ordonnantie van myn heeren vornoemt  
Kempinck